

周
易
繁
露

周易繫露卷一

莊忠樸撰

精氣第一

神无方而易无體言乎神无不之神无不之而曰精氣
為物游魂為變何也氣含精精藏魂魂凝物物歸變是
故魂陽物也惟陽物故精惟精故无體惟无體故无不
之无不之故无變无不變无變无不變故魂必凝
于物物必返于魂魂无體凝于陰而為陽物有體凝于
陽而為陰陽與陰分則魂藏于物而為精為氣陰與陽
離則魂遁于虛而為變為他魂雜變不能不依于物物
有質不能暫離于魂離于物則其質失不依于物則其

精氣不星故曰一陰一陽之謂道也物類無書故變亦
無書變變而物物則失其變矣物物而究所以變則五
十變之惟易與天地準知乎地則知物之所由成知乎
天則知物之所由範範圍天地之道而不過曲成萬物
而不遺通乎晝夜之道而知仁者見之謂之仁知者見
之謂之知百姓日用而不知故君子之道斯矣地者信
也承乎天者也天者仁也統乎地者也惟仁能統地惟
信能承天信不妄而仁無方故物資于精氣而魂無不
之仁者誠也故至誠無息

天地絪縕萬物化醇男女構精萬物化生男女之精其
精氣為物之精與曰易之為道本乎天因乎人而因乎

萬物謂男女之精為精氣可也謂精氣即男女之精不可也
蓋物資精氣而精氣不滯于物冥冥乎漠漠乎吾不知其窮
也穆穆乎芬芬乎吾不知其象也大之運行也日月之摩盪
也五緯之順逆也寒暑之往來也江河之流也風之旋轉怒
嘯莫知其所始莫知其所終也然則男女之精得毋雜而不
純與曰然雜而不純焉得謂之精乎人不得謂之雜滯乎
象不得謂之純大哉乾乎剛健中正純粹精也惟純粹故細
細細細細不可得而捉摸也然則人之精何由與天并擬
乎人何由與天地參乎精生于感感生于想想生于誠誠生
于動動生于靜靜生于神神也者妙萬物而為言也動為物
者莫疾乎雷橈為物者莫疾乎風燥為物者莫燥于火說為

物者莫說乎渾濶萬物者莫潤乎水終萬物始萬物者
莫感乎艮艮者人之極也萬物非人不能以立極人非
水火雷風不能以生人得天之氣以生則人之生亦生
于大其神即乾陽也所謂精氣為物也是故易之為書
也廣大悉備有天道焉有人道焉有地道焉道有變動
故曰爻爻有等故曰物物相雜故曰文純乾純坤之時
未有文章陽物入坤陰物入乾更相雜成六十四卦乃
有文章故曰文人參乎天地離于陰陽不得比于純乾
純坤故人之精不得比于天地絪縕也文不帶故吉凶
故人有吉凶也然則游魂為變魂之變精之化與曰精
之化始之端也魂之變終之極也魂不得為精也然則

乾流坤體變以萬物故游魂為喪乾之流于坤體也游
精之化與曰乾流坤體者乾元流坤而為坎為巽成六
十四卦雜糅其陰陽消息升降以與天道相出入循環
往來萬物之魂亦無所不之不與生命俱盡以陽入陰
故謂之乾流坤體故謂之游故謂之變若精之化則雖
乎精血而為形故不能无所隔闕而與生命俱盡也精
之化為得為魂之變與然則精氣不得謂乾純粹與男
女之精非精氣為物之精也男女之精有形精氣為物
之精無形有形故與有生俱盡無形故不與有生俱盡
故精氣魂分之則雖一之則合求其一之之故斯精氣
與魂合矣窮理盡性以至于命此之謂也惟其能一故

知鬼神之情狀惟其與天地相似故與天地合德而為
三極精氣之精體也屬于乾則仁也男女之精用也屬
乎坤則知也神以知未知以藏往故曰顯諸仁藏諸用
或曰精氣謂七八也游魂謂九六也七八木火之數九
六金水之數木火用事而物生金水用事而物變二物
變化其情與天地相似精氣游魂非遙相為用與曰不
變為七八少陰少陽變為六九老陰老陽變也精氣為
七八游魂為九六七八木火為物生九六金水為物變
不可也魂陽物也九為陽之變六陰之變與木火為
物生而極遠生其為陰決金水為物變而減出復震為
餘慶何與木火為物生而陽伏其中為大過其決出乾

為无辨非變之機與金水為物變而金為乾之元以資
始亡為水之始以起中孚非生之本與則精氣游魂
與木火金水不相涉也物不能无動動而不已故變
必有所之之而反求其本以復初易之道其猶大圓乎
窮于上者必返于下盈于下者必漸而上貴而无位高
而无民賢人在下位而无輔此窮乎上也出入无疾朋
来无咎反復其道七日來復復其見天地之心乎此返
于下也无平不波无往不復艮貞无咎勿恤其孚于食
有福此盈于下也雷風相與而動剛柔皆應恒恒亨
无咎利貞久于其道也天地之道恒久而不已也恒久
不已終則有始天之道也終則人之欲復其初者亦注

大圓而已矣大圓無端故神无方游魂精氣經緯結縈
相承而為替也厚故要終故知死生之說也善乎易之
无體也變動不居周流六虛魂之變也亦无體與魂亦
能不居而周流六虛與魂之變而鬼也黑乎乾之通于
坤也魂而合于純粹之精則魂亦陽物也而變亦乾神
也神則无方矣變之始則坤鬼而游魂也言乎魂為鬼
言乎神為乾言乎乾則通于精氣矣魂與精氣通乾與
坤通人與天地通此所以為大圓也

射隼第二

君子之言也遠遠而近近遠遠近相取而悔吝生焉遠者
物也近者身也近取諸身遠取諸物而天下之理得矣

遠取諸物則其處周近取諸身則其指切處周而指切
君子之道也何謂指切自首而股而足而股而耳而目
而手而指而口而目而相而胸而腹而面頰而心而
表而言而行而命而性而精而君子而賢人而聖人而
大人夫大人者與天地合其德與日月合其明與四時
合其序與鬼神合其吉凶先天而天弗違後天而天
時天且弗違況于人乎況于鬼神乎天弗違之大人因
同此百體官骸也百體官骸卦象之所呈也百體官骸
亦卦象之所準也明乎卦象所準則由百體官骸求通
乎卦象矣通乎卦象通乎天地陰陽矣君子黃中通理
正位體美在其中而暢於四支發於事業美之至也

暢於四支近取諸身也烏辱哉矣

若夫強於事業開物成務則必究陰陽之紀物類之應
草木禽獸生質之性變化之端器用之良耕耨之宜水
火之利五金之用詩書之教禮樂之原使人知親親而
疏疏貴貴而賤賤重重而輕輕厚厚而薄薄善善而惡
惡白白而黑黑陽陽而陰陰也春秋之道奉大而法古
易之道通理以效天知乎家人之親則知所以疏矣知
乎士君之貴則知所以賤矣知乎主器之重則知所以
輕矣知乎安土之厚則知所以薄矣知乎復震之善則
知所以惡矣知乎金玉之白則知所以黑矣陽陽而陰
陰遠遠而近近也

易曰公用射隼于高墉之上獲之无不利子曰隼者禽也弓矢者器也射之者人也君子藏器于身待時而動何不利之有藏器之君子雖在困中之君子也射隼者公之事也蓋器者君子之道也動外之世乎乃利用禴非三三比也故在于公則獲之无不利在于君子則待時而動乾之九二曰見龍在田利見大人後天而奉天時釣是道也然則易之義也先中而後外先體而後用先親親而後尊尊德薄而位尊知少而謀大力少而任重鮮不及矣子路使子羔為費宰子曰賊夫人之子子使漆雕開仕對曰吾所之未能信子既曰夫者黑也為也去何隼之射禮云禮云玉帛之事哉射而下之者宜

曰學之博學之文久詞之乎哉樂樂樂之鍾鼓云乎哉推而
上之亦宜曰仕云仕云祿養云乎哉不藏器不足以待
時不待時不能使夫弗違也故自信者隘自任者疏輕
進者蹶虎充實者重君子者鳴乎其不可拔寂然不動感
而遂通藏器之至也

寂然不動感而遂通何謂也曰舜斯能感感斯能通未
有不寂而能感者也聖人之道不物物而無不物物至
動者莫如天至寂者莫如天至動之中有不動焉而動
斯感矣子曰天何言哉四時行焉百物生焉天何言哉
四時之行百物之生天無所容心也而四時于天百物
于天天于四時百物相應焉如吹萬之和也鳴霍在陰

其子和之待人以和而無不和以物感之而日無不感
已詩曰允矣君子展也大成此之謂也

周制二公分陝九命作伯上公有功德者九命作伯伯
得征五侯九伯故齊桓公述太公之命曰五侯九伯士
實征之三后外執之極五陽之下三陰之象也天下無
事則為天子變和其民人安之其國家天下有事則為
天子討不庭昆吾克而夏亡斟人戰而夏滅晉室衰而
周微射隼者公之職也解悖者公之力也詩曰彤弓臨
公受言歲之我有嘉賓中心既之鍾鼓既設一朝右之

初美第三

文宗顯皇帝之十一年秋莊子居楊州之野見鞠有黃華

而有喜色客不悅曰鞠者秋也子之喜矣為也曰戊亥
者天地之交也萬物于是終萬物于是始而鞠禁為窮
之至而達之先戊亥者天地之交何謂也坤之上六曰
龍戰于野其血元黃夫元黃者天地之雜也菊之色黃
秉土德其枝葉菁蔥雜于元矣通秋而冬剝而復矢嚴
霜相凌殺陰氣矣戊者乾之所居也明夷之所藏也故
曰天地之交也

陰氣殺而大寒至何謂也陰陽相為用也方春之時陽
氣萌至四月畢出得陰氣相薄而暑至陽不勝陰而暑
退矣至十月陰氣盛得一陽相激而寒至陰不勝陽而
寒退矣暑不至則暑不退寒不至則寒不退有退之機

而後大至故陰生而得者陽生而邪害也微陽無以釋
陰之強微陰無以收陽之用

古人貴陽而賤陰何謂也陽者君也陰者臣也陽者大
之德也陰者大之刑也德不化則修刑刑不格則修德
修德者冬之謂也修刑者秋之謂也是故君子進德修
業利用為大作而民得其所始矣君者乾之謂也乾以
諸陽居重陰之中而為諸卦之首馬居重陰之中則陽
勢而固矣為諸卦之首則位高而尊矣太陽勢而固入于
坎而出震矣位高而尊齊子悲之則帝矣太陽不得陰則
失其尊陰不承陽則亡其家春秋之策載君三十六統
國五十二廢桓不子專地而封晉文不子欽王而朝楚

莊而不專教而討君自之義也達且又殺其身而不得
為知祭仲逐君主而為知權貴賤之殊也致王之罪不
可諱故書曰大王狩于河陽且又措其居于甚賤故書曰
王齊師敗績秋七月齊侯使國佐如師己酉及國佐盟
于承^不為日至致王則陽失其尊矣措君于甚賤則陰
不承陽失其尊易與春秋之所憂也陰不承陽易
與春秋之大罰也

東方者司農也南方者司馬也中央者司營也西方者
司徒也北方者司寇也司農者名公也司馬者名伯也
司營者太公也司徒者樂毅子肯也司寇者孔子也故
無名公之德不能為司農而司馬之職廢矣無高祖之

德不能為司馬而司馬之職荒矣無太公司徒不能為司警
而司徒之典廢矣無樂毅子胥之德不能為司徒而司
寇之教薄矣無孔子之德不能為司寇而司農之禮廢
矣上有之則上治下有之則下治僅有則弱無一則亡
書曰邦之杌隕在于一人邦之榮懷亦尚一人之慶
北方者天之終始也子言成亥何謂也乾居于戌而坤
極于亥坎居于北而復出于子至于北則為始不得為
終始矣終始者其在亥乎陰不至亥陰不極陽不至子
陽不生坤復者陰陽之用也乾坎者陰陽之體也體以
生用用以合體乾為體故羣龍无首也

乾之後為坎何謂也水者陽也乾知太姤故居坎之先

夫火者陰也坤作成物故居萬之後矣惟金居坤之後
在坎之先居坤之後則為終矣在坎之先則為始矣終
則有始天行也

萬物之流行而不息也是故木生于東而衰于夏火者
木之所生也火生之時木至之時也金者木之所畏也金
生之時木衰之時也土者木之所制也水者木之所本也
水制于土是所本者制于所制也其他金水火土亦猶木
也若者文王舍伯邑考而立武王微子舍其孫膺而立衍
也孔子曰否立孫是故子制父之所制復讎之義也父之
所生可以制子祖孫相承之義也幹父之姦用譽受茲介
福于其王母此之謂也

乾之為龍至神矣而何謂也夫平陰則不得其
用故凶于大過而躬于夫君不交于相則失其輔相不
交于卿士則失其佐卿士不交于大夫則失其使大夫
不交于士則失其閑士不交于庶人則失其見庶人不
相克則失其家同人之九二曰同人于野亨乾居野
而獨通見馬乎何為不憚乎

陽以南方為位以北方為休陰以北方為位以南方為
伏陰陽者相易為用也是故木之氣通而味獨酸酸者
取也木以秋之氣而為味矣金之氣歛而味獨辛辛者
通也金以春之氣而為味矣南方之氣鹹屬火而味于
北北以南為味矣北方之氣苦屬水而味于南南以北

為味矣故陽以南方為位陰以北方為位也陽交乎陰而
寒至陰交乎陽而暑至陽位于北則陽不得交于陰陰
位于南則陽不能交于陰交之義大矣哉

兌者剛中而柔外惟剛中故不移惟柔外故無所不入
說以先民民忘其勞說以犯難民忘其死兌者秋之卦
也當秋之時而言朋友講習王仲任徐偉長是也詩云
丘中有李彼留之子彼留之子貽我佩玖

比之匪人何謂也曰比輔也先王以建萬國親諸侯乾
三君子當終日乾乾而居眾陰之中坤虛元實來相比
匪其上為九五夫君之賊下為初二官吏之賊節之六
三曰不節若則嗟若夕惕斯无咎矣是故所有覆餗之

必為有愛如之利故有棄棘之實比有元首之災詩曰
各敬爾儀大命不又

既以犯難民忘其死何謂也况家之鼎伏我與焉外欲
決內之戎內欲決外之戎故犯難而忘其死也是故鄭
驥可以立惠王奉晉可以誅并帶苟驥可以城成周其
止其止繫于言桑能犯難也傳曰周之東遷晉鄭馬依
此之謂也

上交不諂下交不瀆何謂也上惡其諂諂則窮有言不
信而口乃窮下交不瀆瀆則疏疏則不告再三瀆瀆則
不告矣君子見幾而作不侯終日是故君子以朋友講
習也子曰君子以文會友以友輔仁詩曰民之失德乾

雖以慝

風后力牧黃帝之佐也八元八愷重華之輔伊尹姜仲
成湯之準也二鰥四友穆考之賓也召公太公甯王之
毗也叔舉聲子異地之朋也伍胥申胥敵國之材也君
子且不交則不能以王其國知士與諸侯不交則不能
以知其情敵與敵不交則不能以得其用是故陽交于
坤以成坎陰交于乾以成離雲行雨施品物流形大明
終始六位時成

鞠則靈星猗猗耀耀遷遷似夫友朋同心合志君子曰
苟應物候明陰陽用瘳百疾小者可以去風去大者可
以定民志小者無不入大者無不識空其中而適其理

同其方而辨其類
粹可以復桀惡
可以為美
得人理乃
畢
所不涉之
遂敗壞
是以禮經識之也

周易繫辭卷二

貞且柔第四

盜之興也其自上者乎春秋有之盜微殺大夫謂之盜
非所取而取之謂之盜辟中國之正道以襲利謂之盜
是故子駒有見上之譏衛侯有惡上之累魯國有堤下
之憂蔡中有解中國之責使子駒不默其車則西宮之
難不興夫衛侯能庇母兄則閭中之戈不擊矣魯政不
歸季氏則蒲圃之事不拘矣蔡侯不思遷國則錯劍之
矢不集矣易曰貞且柔致寇至盜之招也

三能解悖而曰致寇至何也寇不至何悖之有象曰貞
且柔亦可醜也自我致戎又誰咎也古者三公之于天

子也陰陽和風雨時百穀咸若而沴戾不興上之于民
如慈父之于子民之于上帝如嬰兒之于慈母在鼎之
成既濟也六五曰鼎黃耳金鉉利貞既濟之九五曰東
鄰殺牛不如西鄰之禴禴實受其福言備物之美不如
誠信之相格也牛喘于道丞相問之日食于天三公采
芣謂事積于至微而禍中于所忽也解悖者公之職也
致寇者公之責也故獻俘飲至不可以為庸也桓桓行
賞不可以為美也車服旌旗不可以為榮也需之九三
以君子而得位亦為致寇何與曰需之冠自外來也解
之冠自下發也自外來為四裔自中發為庶民四裔自
我致而非我致也故于需敬慎則不敗于解則可醜而

咎或曰負且乘之小人而能解悖何與昔者衛武公有
寵于釐侯多予之賂釐侯卒太子共伯餘立為君武公
以其賂賂士襲攻共伯于蔀上共伯入釐侯墓自殺武
公遂自立四十二年大戎殺周幽王武公平戎之難因
平王命武公為公鄭厲公之因宋以入也逐昭公自櫟
入也殺子儀歸之六年而王室亂五大夫奉子頹以伐
王衛師燕師伐周王子頹明年秋鄭伯以王入于成周
又明年伐王城殺王子頹王與之武公之畧自虎牢以
東能解悖也衛武與鄭厲得國之始不得謂非小人也
或曰公及子頹非衛武鄭厲自致之寇致寇而能解悖
何與曰解悖王事也需洗致寇致為其需王事廢璧不

遑啓處何不利之有昔者趙盾使先穀士會如秦逆公
子雍秦人多與之徒衛穆嬴日抱太子以抱乎朝盾患
穆嬴且畏偶乃皆先穀而立聖公以禦秦師秦師之來
盾致之也既乃敗秦師于令狐至于刳首落澤之殺公
子肥也華元出奔晉反而攻落氏殺子山魚石而為人
鯀也向澤魚府出舍于雖上華元王之不可遂出奔楚
平公三年楚子鄭伯伐宋宋魚石復入于彭城楚鄭之
來宋致之也于斯時也定幾殆矣其後元如晉告急卒
以晉師圍彭城盾與元可謂能解悻矣或曰致寇而解
悻不為功冠賊自致而解悻庸不以為功乎隗氏之亂
襄王伐鄭以甚我心狄人伐周王出居鄭晉文立國之

初以新建之衆取太叔于濇殺之于濇城王與之濇原
橫茅之田晉于是始啟南陽子朝之亂單子劉子樊齊
以王如劉晉知蹇趙鞅帥師納王天王入于成周王子
朝奔楚既入謀伐之至韓不信遂城成周王室以平晉
卿之功也然則齊桓存三亡國春秋尚不以為功乎曰
王室諸侯所當奉也諸侯非諸侯所得封也此之義
曰利建侯天所造也比之象曰建萬國親諸侯承先王
也齊桓不于專地而封封者君子之器也孔子曰惟器
與名不可以假人豈十人所能乘哉

解之解悖也其在豫主豫利建侯行師三在豫中而操
弓矢故射年三未出震承五之戒無異乎武王之承亂

也何謂解在豫乾來之坤出震為豫息乾為謙乾交豫之二而為解交謙之五而為蹇乾初通坤坤位西南故解蹇皆利而南解動于下據五可以解難蹇動于上謙艮之君子為止艮東北也故不利東北據五解難故有攸往夙吉此蹇解之義也

珠華第五

易兩言帝乙歸妹難者曰歸妹人之終妹也乾氣下降以成地道乾已下降矣六五復言帝乙歸妹則何以故曰純乾純坤之時未有文章乾坤既交不至既濟而六五始定六五以陰處尊位而應乎二帝乙之震當下妹歸于二故以小人道長之吝而六二色承十人吉大人

有亨言陰降之而承陽之爻得繫于陽大人得二應而
迫也二五應為亨通得不以二五應為亢乎易之道始
乎夫婦定乎居臣明乎陰陽辨乎上下歸妹以五降而
得王震以九四失位而無應故曰其君之袂不如其好
之神良也故以乾而居二也則而居五而行中和以兌
而居九二也雖以而猶視其五之與二相待也或曰
泰二升五泰近成否以為中和強非是與曰否陰消陽
五和居正之六人非衆陰所能犯故否之九五曰休否
夫人吉也澤之道歸于歸妹歸妹五降二二升五而為
隨隨亦為震之歸兌二升五而得位歸妹五降二而有
係故隨九五曰寧于嘉吉嘉禮者昏禮也九五為休否

上九何以爲傾否與乾之通坤也惟上不可居剝曰不利有攸往剝居艮中艮東北之維天地之所以成終而成始也長無所往故不利東北居二成兌在田講習伏爲同人兌西南故西南得朋朋者陰也由巽至兌起午至申非三陰成否也由坎至艮起子至寅非三陽成泰也兌居西南得朋兌少女也待乎少男也以男爲歸故萃乙以震爲歸之也艮少男也故咸亨利貞取女吉君子之道造端乎夫婦此之謂也咸之取女何謂乎曰咸之取女乾下感坤也否知上之不可居而下之坤三以成咸猶乾上之不可居而下之坤三以成謙謙以君子而居重陰之下故爲謙咸以少男而居少女之下故爲

咸故否之上九曰傾否先否後喜喜者咸之謂也泰上
之三而得其友咸復于陰抑又何說與曰城者壙也陰
者池也以坤土之城而入于兌澤城壞而陰存據土守
水之象也故自邑告命貞吝守不可以徒守故必得朋
而始可共濟以無朋而復城以得朋而守澤何不可之
有三人行則損一人泰三爻之上故云損也上九曰利
有攸往何與三陽在下而民衆疑一陽在上而教令行
去民疑而行教令無富家之實有朋從之自何不言之
有損事蓋正曰損謂泰三也否曰志行羣陰據剛有咎
故反于初而為元吉損上益下之謂也塞解通乾坤而
損益咸否泰也

凡物乍動則圓遠視則圓周轉則圓舒光則圓乾之通
坤也太陽之流珠也珠之流其亦有絳絳續續而不已
者乎精之內融為水水之始亦珠也先之外熾為火火
之始亦珠也肇夫初之為珠也極乎天之運行亦為大
圓也惟圓始可以御惟龍始可以周惟六始窮乎上下
四旁之數故曰時乘六龍以御天水火成既濟非歸妹
之義與曰乾坤者大道也既濟者人事也男女者人事
之本而非人事之極兩言歸妹求合于既濟而已夫水
火之用也或炎上或潤下炎上則銳銳則其圓失潤下
則傾傾則其圓變坎鼎之道正乾坤之體毀故水之混
泥火之星星不得謂之圓也至圓者始于圓終于圓雖

有所含而不失其為國也且有國之體而或失其國者
不得謂之國也君子知其然故于其言四德曰元者善
之長也元者純乾而生動者也此國之至也

易之長元其志極也易之道達變故窮生死贊天人是
故得中得正則善而福之自陰返陽則善而稱之若非
中而得正雖居陰位能承乎陽亦善而稱之及其窮而
無所之也能復其初則其善猶不改履之上九曰視履
考祥其旋元吉旋者回也故稱元焉易之文三百八十
有四而書元者十有二五歸妹一言元吉一不言元
吉非易之常辭也歸妹本乎兌兌者陰極于上不可以
言元也曰履亦澤也元何以見履上體乾而履乾在損

之世天地交而泰于泰故六五元吉也

元亨與元吉有異乎曰元者未通于萬物之稱也言亨者
交乎陰陽之美德也言元者四而言亨者十有八
是故以陰通乾乾為陰之元也以其歸震震為陽之元
也升二應五臨為升之元也鼎中有其異為鼎之元也
陽始于乾而陰始于巽復陽以震而息陰以臨故其隨
元妄以震而其四德臨以息兌得朋而其四德也至既
交而不復則不得言元同人之亨即大有也噬嗑賁豐
未濟從之復之亨即蠱也小畜恒從之謙者之亨即漸
也小畜恒從之謙者陽通陰之亨也準乎坎蒙咸從乎
謙需從乎坎履者陰通陽之亨也準乎離五失正必

通乎坎而成既濟故先言利貞而後言亨也

泰否之亨何謂乎泰以二而應五否以五而應二坎離
為交互泰否為始終也易始于泰而終于否陰陽交合
物之始也陰陽分離物之終也合則天地之間萬物成
列著于耳目離則大上地下不可得覩所謂幽明之故
原始及終也否與陽離何以言亨乎當否之時外猶未
消陰陽猶相敵也故于觀而四德俱無至于剝而直言
不利也萃之上九齋資深決陽為陰滅而言亨何與曰
萃不獨言亨也萃五應二故言亨以正聚陽故曰利貞
明不正不能以聚陽也故在萃之九五曰有孚无咎而
繫以元在否之九五曰休否大人吉均之道也萃以聚

陽為義故上九陽爻見滅雖得位而未安于上東樓公
之于杞微子之于宋不亦哀乎旅之上九中已失位而
降于三火動而上陽精日鏹陰大日炎故曰鳥焚其巢
旅人先笑後號咷焉者巢也視諸東樓公微子抑又悲
矣然則否之世舍五正位無獲吉之道乎否將窮于上
也窮于上者必返于下返下復陽雖不得吉亦無悔否
噬嗑與因是也返于下而得位休否之大人又能不立
乎五剛工下皆无尤矣故漢為元亨也

龍之興雲而吸雨也其異于馬乎膚寸而合不崇朝而
及天下若馬之行地无疆也日千里已矣豈能崇朝而
及天下哉龍之健也宜无往不伸矣而初九之易用何

與曰人燮之屈以求信也龍蛇之蟄以存身也然則龍
之蟄亦為屈與龍亦必欲求信乎曰求信者燮之心也
存身者龍之志也龍之蟄龍不以為屈也不屈則不求
信時乎信則信矣天不交于地則龍不升于天地不賙
于天則龍不奮于地龍以地為寄以天為厓馬以地為
體以天為用馬地類也坤者地類而為牝馬乾為龍而
亦為馬何與子不見馬之動乎運而不息也至動者莫
若馬至靜者莫若牛乾為馬而坤為牛坤之牝馬合于
乾而言也浩乾五行傳曰馬畜之疾行者也疾行者莫
若天文之疾行者莫若雷故震亦為馬不獨震復為乾
也既為馬矣何以為若馬為案馬與乾息至巳否當復

消陽氣之結乎乎筋幹陰主血震主生故乾之馬獨殊也震得乾之氣也故震亦為龍也

升之南征何謂也地中生木由微至著以至乎萬而外應五為南方也故言南征也易之言征者凡七惟革以六二革意應五而吉餘俱征凶革三之征則以既濟而成未濟損之九二毀泰成否其象殆異其意則同未濟以女在外而男在內未濟者未成也未成之皆而男求女其凶孰甚焉漸體既濟不自上反而三往征變剛而无應女不可求故曰夫征不復猶未濟也若動難得往得正外實无應亦不可從是故頤有山中之戒大壯有舉腹之虞泰之彙征外又得應自無不應矣或曰征獨于

升言南不言東西北何也曰乾金位直于西北而出震
于東不得為征惟南得言征也冬曰狩天子巡狩者
亦當至于北明夷之南狩何與曰冬狩者時制也狩者
田之通稱也春秋四書狩一在冬一為河陽河陽諱辭
也其二皆在春春曰苗不曰苗而曰狩明狩得通稱也
明夷已在夷中升以息焉而言南征明夷居夷故言南
狩也西南得朋西南同類也兌近于乾而為遠于乾故
征止于南也

周易肇露卷三

地道第六

乾通坤以生萬物而言地道无成然則土無成乎曰土
資乎四方以為用舍乎四方以為終土無四方土何所
成草木之麗于土也百穀之滋于野也非地之所成乎
曰非曰以燠之而以潤之則草木枯百穀槁而土失其
所矣曰與兩者水火也水火者天之所以通于地也然
則土中有水大乎曰坎水成也离火已也坎水陽也何
以為陰精离火陰也何以為陽精乎水得乎陰而水始
流陽激乎陰而光始射陰與陽並何以有圓缺乎自人
目視之有圓缺為地彩所蔽不然何以日食無不見而

月食有見有不見耶是故易不可止以月言也坤為土
艮亦為土何與坤九子西南承天之功也艮終于東北
紀天之行也萬物至于艮而終至于艮而止不復震不
能生非坤元所可擬也辟諸五行家言坤之土生氣也
艮之土死氣也艮為少男感兌少女天地感而萬物化
生何與曰艮陽窮于上而无所之返而復震為長子繼
世而三陽退居無用之地艮若無所感其无所生乎其
往而之何所乎六二直方大坤之言方大可矣坤之動
也闢而言直何與曰坤之動以應陽也直方大皆以乾
言也坤應陽而動陽直故坤亦直子不見冬日地氣之
奮于上手亨亨而直也六二以陰而應坎五陽者為

也鳥以數飛而變故不習无不利也地之方而色乎圜
中也無虞陽乎四圍以見方非无方之爲方也坤爲方
統乎圜而言之也今天圓之至者上下四方無不圜也
方之寄于圜中也有相對者焉有相背者焉自上望之
上以爲上也下以爲下也四旁以爲四旁也自下望之
則下以爲上也而上以爲下也四旁猶四旁也自四旁
望之則四旁爲上下也而上下爲四旁也自正望之則
面以爲面也背以爲背也自背望之則背以爲面也而
面以爲背也自廣隅望之且以廣隅爲上下肩股爲背
面也猶之上可以之初而三可之四也二五正應正言
之其他則通言之也地亦有維而不屬者乎地過无彊

何不屬之有曰有地缺東南地之相連而不結也或面
馬或背馬或側馬面可以至于側側可以至于背也惟
東南為虛陰之動于巽也風為轉馬風屬于水而水涌
水涌則土不能載風近于火而火炎火炎則土不能居
水涌而土不能載者大平洋也火炎而土不能居者近
南極之地也地之不屬地之道也地方有屬有不屬天
圓故无不屬无不屬故无終有不屬故有終終何所之
終于天也終于天則地之成即天之成故曰地道无成
而有終傳曰地平天成地以平為主而成則天也曰地
有山陵豁谷何得謂平乎山陵豁谷地氣之結而流者
也不結不固不流不通且山陵之興也下必有所承豁

谷之流也下必有所受有所承有所受則其下平矣惟
乎始能上下相附而皆相合而使夫元不圜也或曰火
能生土南極之下誰無土地乎曰火之生土非火之生
土也通乎陽精而始能生土也蓋舍于乾而始為少腹
南極之下與北極之上皆日所不至之地也日不至則
火為陰火不能生土故北有冰洋而南亦有冰洋東
而者日所出沒故東西為門戶而赤道之中五穀熟而
民人育也地不屬而言无疆何也子不面背側之通乎
西之西即東之東也西之西即東之東南之南何不為
北之北乎曰東西無限所以為方也南北有限地所以
不為圓也南北之不通黃道以南南極限之也且水可

東西而不可南北也故南北有限而東西無限也水有
可有不可地何以无不可與附于土無不可通不附于
土則有可通有不可通矣故艮之山經無所言而大川
之涉有利有不利水具濟地之窮與而南極之火水不
可逆之而至于北極此火上水下之所謂未濟也

賜寶第七

既濟定而六位時成舍既濟無定位乎易之法尊尊而
卑卑尊尊故不可下移卑卑故不可上凌也下移則替
替則危上凌則亂亂則亡危亡之道君子不可不熟慮
之也二與五分尊卑初與四二與上何說與上者元之
極初者復之始三四為人道為卿士大夫元極必待應

于三復初必望復于四故乾三元陽而九三日君子終
日乾乾復之出震而六四曰中行獨復二五相應何以
二與四同功三與四同功乎二與四同為陰三與五同
為陽陰與陽雜糅而成文也陰消之卦而陽居正位何
與一陰一息以成大業陽正于上而陰始消故剝始為
故剝始為陰變而有裁又裁君之象而進以二五相應
猶曰少利貞陽息之初屯比五即正位何待陰消乎曰
乾交坤之始為交之始非正位之成也陽正位而陰有
不順者乎曰有當否之世而返于泰復震巽益震巽相
通益之初九曰利用為大作元吉无咎大作者震也元
吉通于乾元往復不窮故為元吉也上九亢龍下返成

蓋震為長子是內禪也昔元魏獻文之禪位于孝文也
曰克禪之禪天下也皆由其子不肯若丹朱高均能負
荷者豈授楊冢陋而授之哉內禪之說得毋著于易與
易不言內禪九五之時陽自正位其由上而返于下終
則復始父死子繼為至黑之長子故三代盛時惟夏不
降禪位于帝烏餘則未聞也或曰燕上不事王侯事治
也或疑為讓國之說何與曰不事者讓國秦伯仲雍是
也讓國非內禪也乾象盈中五升正上居亢極不幸而
欲下乘五中陽返為陰以成未濟上九曰飲酒濡首亦
不知節也賴主父周大元是也其能交乎陰而不失其
陽則為家人之上九曰有孚威如終吉宋之真宗嘉皇

是也故順其時則息逆其時則消日中則昃月盈則食
天地盈虛與時消息消息者易之大義也九五當陽之
大人何以上復有任乎曰五而不知有上五即有悔之
元龍也有所處以伸其所尊故于五有不事王侯之尚
于賁有元咎之白當泰之二即九五也三陽始彙帝乙
之五不能不下應于二而益以退位賁直不居泰升而
上轉成家人正父子君臣之義賁之六五東帛變爻之
有順于泰
客何為于賁也賁之六五東帛變爻之客何為于曰未
帛變爻居臣失正枉道以求利也艮山震林當無須于
泰合二既居上五與二陰相比不能止朋而高于中行
徒倦倦于東帛賁之須賁之言也白賁之上既遠于二

又不求應于三不隨明往五即動陽成家人轉為九五
所信而為厥孚威如也自五以下元士大夫三公諸侯
皆定任也惟上獨未五陽知進而不知退知退者蓋賁
也知存而不知亡知亡者宗廟也知得而不知喪知喪
者碩果也上既窮于震不能復震必下通三陽成謙以
近乎乾為終曰乾乾之君子雖艱小子而自有終仲尼
曰不怨天不尤人下學而上達知我者其天乎勞謙之
謂也乾之九五謙之九三君與師儒之亢位

比之原筮何謂子曰若有疑也比何疑曰乾初之地成
坎為疑疑故原筮原者再也當乾之初成坎也居五陰
之中初在應外上又垂陽負困不服其曰輔若疑下之

無輔也其曰不順從者疑下之不順從也比之初交非
是比也比未成坎羣陰交得惟恃六二之應若七之時
已由坎而出震建侯三動即成既濟七雖萬物始生而
比則天地始遠故比為先王而屯為君子屯之建侯由
坎近初侯位既定上應于四內之諸侯故雖若桓志行
正也比初無應遠在殊俗惟恃六二得應于五五不親
之其心未亨建侯近屯則四為畿內之諸侯初為要荒
之諸侯二為方伯三為三公以夾輔天子也比屯之世
三禍未變與上相比故為匪人而辛氏以為官吏之賊
蓋敵未有不與官比賊未有不與吏比也三公之任不
重則下民不足以聚三公不得其人則權必下移比世

三上相比數上乘陽五往正之返陽成觀獻俘告廟大有之九三曰公用亨于天子小人弗克小人者比匪也此動于三成既濟三公而曰君子幾不如舍往吝何與三在陰中不能自振當知艮止之訓苟避而不走則為六三之時豫于豫之悔悔于遲也大有以陰交陽五返其正反未濟何以為元亨乎曰陰與陽相對待也陽既交于陰陰自不能不通于陽大有陰來交陽非始之陰未既陽也一陰初通故為元交相為用故為亨夏時火王在天萬物盛長故乾後之候即為大有侯外內卦而六五曰厥孚交如亨者孚于二也交者交于陽也乾返三而成謙坤返三而成履履兌也故為虎虎金神

也故為武人武人為子大君以陰教而承乾武人之事
非三公之職九四為內諸侯當履之世亦不免懇懇
懇故終吉也在比之世羣陰相比外應无首履之上九
詳審而旋不與陰比故履之上九猶為元吉而比之上
三皆凶然則上九何以言亢乎曰陽未極而上九不得
為亢當泰之世陽亞于下而上虛無實三陽往而之上
損之曰一人行則得其友友者坤也陽極而為亢陽
未極而為得友以陰乘陽不若以陽據陰也

四為陰位據四何以言大有得也既大有得矣而又言
勿疑何與曰據之疑即比五也據初出震在羣陰之中
雖有侯國而不能必外之無侮也故曰勿疑朋盍載言

同為諸侯以奉天子也易之言朋者皆在下之辭泰之
朋之言六五也損之得友言坤虛也蹇五在位亦言朋
來又何說與曰蹇為乾息坤五斯時三已正位謙之君
子非三公之臣故得為天子之朋也若豫之朋則比之
目故比之初九猶以前禽為喻也豫言疑而比不言疑
何也曰豫四失正為或躍在淵之象比則自居正位何
必言疑豫則本有可疑之道故以勿疑言之然則四必
近于陰可乎曰萃而當其悔乃止萃返成既濟也故萃
九四曰有孚政命吉易聚而為坎矣二多譽四多懼近
也近乎陽必承乎陽不承乎陽則下據九三而為小過
之九四曰往厲必戒言不可往五也此豫之九四所以

由豫也

未嘗

二譽而四懼柔之為道不利然則為人臣者內柔而外剛得不成外重之勢與曰初在應外非二不足以惕之也故以師之世九二在師中吉无咎王三錫命而六五曰長子帥師言非震之二陽不能居師中也蒙之世九二色蒙吉納婦吉子克家六二童蒙幼主九二能色之難納婦吉子克家者世其祿也二重而四何以輕乎四近于五近而剛則上福二遠于五遠而柔則下玩三亦三公師何以與尸蒙何以不有躬乎三以陰柔失正師自偏裨而為將不為衆服上又無應故與尸蒙以宵人乘五而附二乾金故為金夫從坎而毀坤體成姤長

女故不有躬也。此豕之九二色蒙如周之于成王，升自
臨來五，亦坤虛象，乃利用禴為周受命之卦。然則豕固
可以代君乎？曰：周之用亨，岐山柔以時升，上虛無實，自
當升五而正九五大人之位。蒙亦九二何以不當升五
乎？昔伯益之于夏也，禹薦益于天，三年喪畢，天下歸啟。
啟之二年，費侯伯益出就國，益于啓位，啓殺之。伊尹之
于殷也，放太甲于桐，乃自立。太甲之七年，王潛出自桐，
殺伊尹。益與伊尹，仲尼不言之也。仲尼刪書存于世者，
無太甲。益稷諸篇，偽孔傳行而書始出。益與伊尹，信有
徵乎？曰：益與伊尹不可得知也。仲尼何以稱舜有臣五
人？孟子何以稱伊尹之志？故非至聖之君，大有為之臣。

非諱閭不得言攝位左氏不知此義于隱公不言即位
直曰之為攝如息姑為攝位何以不言桓公而別出隱
公哉推而至子內禪君之威德非日子所忍言非言內
禪則死其君子言內禪則篡其父死君而篡父避艮之
所以消陽也四既多譽括囊何以无譽乎當坤之世陰
虛無貴六五曰黃裳元吉非吉也黃在子然衣其恒其夫
坤以乾為元必通乎乾而始為元吉六五四虛中不能正
六五變化而使草木著六四之謹又何取焉然則處內
諸侯如何而後可曰比之六四外比之貞吉比于五也
損之六四損其疾使適有嘉陽在五稱善損其疾損君
之疾也此六四之吉也

上六得任泰何以城復于隍乎泰三之上得友上之三成
兌澤毀坤體城故曰城復于隍也上六在泰泰返成否
與比五元陽同為山舍泰上六有山者乎曰復之上六
曰迷復山有災告用行師終有大敗以其國君出至于
十年不克征特坤之衆而詎復初之國君宜終有七敗
如比泰陽之元首也舍復上六有山者乎曰夫之上六
曰元號終有山當乾之將墜也三不應上與五同功欲
決去一陰故夫雖有應而無號為壯于頄之終山也乾
象將盈宣吹去陰與泰之返否復比之詎初同為逆也
舍夫上六有山者乎陽陷陰中不復遵常以上乘五難
得其位亦復陵五體坎為刑獄成兌為毀吹刑獄而毀

決其首誅死之象也故大過之上六曰過涉滅頂凶三
四與上同為垂陽五既升中三四有承二無所附雖欲
承上勢又不能故屯之上六曰乘馬班如泣血踵如陽
降為險陰升為說上既升而得正五陽舍于上陰無據
無應故困之象上六尚口終必致窮以毀其身號咷者
剝則也故困之上六曰困于葛藟于臲臲屯何以為吉
乎非坎陰之時得位而有應雖不承陽與三相附三為
師傅之三公故得與無承之上相比也三公何以為師
儒司徒敬敷五教而周之六官不見于三傳惟宰與內
史漢注三公則皆司徒其用官之道而師儒三公之說
與

周易繫辭卷四

設險上第八

聖王在上必有親賢以火輔之任親而任賢則陰陽則
刑任賢而不任親則孤孤則偏也初建侯賢也二少甲
封親也六四何以言要馬乾陽在下而己處陰中故必
求而往始无不利在坎之四亦有約牖之象當坎之時
陽陷陰中四動陽通坤成豫重門擊柝以待暴客之義
也通陽為坎通陰即為巽需動而上澤動而下水火雷
澤造相為用也及成巽孤矢之利以威天下之義也故
聖人于乾通坤曰坎重陰也天險不可升也謂五不可
干也地險山川其險也謂國恃山川為固也王公設險

以守其邦故周之制曰自陝以東周公主之自陝以西
召公主之公陝者夾輔也此即黷險之義矣周公召公
皆親賢也何以亡夾輔乎曰此即公陝而言也按考西
友有太顛諸人武王平亂金縢二公亦有太公望康王
則有南宮毛呂伋非親賢並用與齊桓公之伐楚也曰
昔子康公命我先君太公曰五侯九伯女實征之以夾
輔周室賜我先君履東至于海西至于河南至于柁陵
北至于無棣康公之命武王命也若不親賢並用則尊
之同于杞宋之上公遠之同于許之太岳楚之初棄何
品命之夾輔哉

聖王之世未有不封建者有封建之實有封建之名無

其名而有其實計之上也有其名而有其實計之次也
有其名而無其實計之下也無其名而有其實無害有
利有其名而有其實有害而有利有其名而無其實無
害而無利終則有害有害者何天下之勢有去廟有瓦
解去廟可以復積瓦解不可以復完有害而有利何逆
則連率以上干天子之命順則連率以翼天子不令諸
侯不能一天下也無害有利者何諸侯之子孫以日不
盡則無不可興起也何謂瓦解秦隋之亡不旋踵唐宋
之滅不再興何謂瓦解漢之七國唐之八王其翼戴則
固之桓文也三晉田齊擅秦以奉周秦何能滅周哉秦
雖滅周而不并亡國不為帝天下虛無君者二十七年

用之止于古國非止于秦也無害而有利何用雖封建盡八百祀元則子孫分布漢北且盡于西之大荒而當元之時豈古諸邑曰人出為行省平章御史臺事遇及罷黜輒交代也何謂貴何謂名封建之制曰列侯曰外藩曰王等食邑五等食邑有其名而無其實者也列侯若有其名而無其實者也外藩有二一為屬國無與于中夏一為外藩遠金元之部落也故凡魏之止于六鎮孝文慕華風五失其位致田有禽金人之亡亦以奔渤海而遷汴王公子設險豈可一日忘哉

封建易而郡縣勢也既郡縣矣而易為封建者漢與明嘗有意于復古矣漢有淮南濟北七國燕蓋之禍

明有諸難之師寘諸宸濠之亂封建何可復乎曰封建
固則內變生郡縣置亦外訐作其郡國並置乎曰漢之
初也固若是矣曰漢國少而大是如亂生國多而不亂
何自於哉郡國在親賢也郡縣有事侯國得而救之制
之佳國有事郡縣得而救之制之是故言封建必審地
利害地利各為分析地相錯則險見險者王公之所救
也

設險中第九

地相錯則險見何也周之時千八百國諸侯封地不過
一同似無險也武庚之封也三叔監之魯叔處于鄭居
武庚之南河在其北霍叔處于霍處武庚之北河在其

南分守河津以詭鑄東之路則以河為險矣微子之宋
與武庚還郛聲援相應故令蔡叔處其南蔡之地以監
宋也周之衰也昭王南征膠舟于漢穆王遠游居于西
鄭而卒虎于緱鄭之間卒虎之區必有力士所以翼西
鄭也東遷之後齊晉勃興而以泗上諸侯橫行天下於
中平五鹿城楚邱緣陵晉文之伐楚鑿枝謂表裏山河
鄭之敗中行桓子亦軍敖鄆士會設復于敖前上軍不
敗晉悼復伯圍彭城攻偃陽成虎卒曰害不以險也蘇
秦者辯士也而審于地利漢中巴蜀之險古未之聞也
秦不得用于秦而懼秦之破從乃陰遣張儀然六國地
利未有悉于山縣秦者也秦之言曰秦攻楚各出銳師以

佐之韓魏其糧道趙阻河漳燕守常山之北秦攻韓魏
則楚絕其後齊出銳師而佐之趙涉河漳燕守雲中雲
中者與西河接壤秦攻魏故燕守雲中也秦攻齊則楚
絕其後韓守成皋魏塞其道趙涉河漳關韓魏為秦兵
所由來趙之博關與齊西北斷接也燕出銳師以佐之
秦攻燕則趙守常山楚軍武關齊涉渤海韓魏各出銳
師以佐之武關者秦之後也秦攻趙則韓軍宜陽楚軍
武關宜陽者三川之道也武關也魏軍河外齊出清河
燕出銳師以佐之或曰韓魏與秦接秦既伐燕韓魏何
能出銳師哉曰此秦今從之辭也宋人之言曰亡國之
戰不在于齊楚燕趙也而在韓魏之鄰秦滅六國而先

自韓魏自時厥後郡縣之勢成而設險皆以山川為固
蘇秦喜之也其異同分析離合著于篇

秦并天下為三十六郡其放地惟京師隴西北地上郡
蜀郡而已得周之地為三川郡得韓之地為潁川郡得
陽郡上黨郡得魏之地為河東郡得趙郡泗水郡得趙之
地為太原郡鉅鹿郡邯鄲郡雲中鴈門郡代郡九原郡
得燕之地為上谷郡漁陽郡右北平郡遼西郡遼東郡
得齊之地為高唐郡東郡琅邪郡六國惟楚為最大桂林
象郡之外皆楚地也

漢興懲秦郡之大分立諸侯王國史傳所載天子自領
厓內史蜀三河上郡北地等郡而已武帝用主父偃策

分諸王地封子弟為侯侯國皆別屬漢郡不領于王國
故郡大而國小至于孝昭之世郡國百有三侯國在二
十雖封罷非一時即郡國并置之義也秦之京師高帝
為內史武帝改為京兆侯分置左馮翊右扶風蓋以渭
洛為險也馮翊阻洛以翼渭其東則河流也扶風據渭
以距河其西則隄坻也京兆則得渭南之地以抵關門
猶厚其疏也今三川之西京兆之東南為恒農郡函谷
武關在焉恒農居京師之東南漢中居京師之西南臨
左右臂也恒農以北即河東郡高帝詔河東太廣分上
黨及河東東郡三河內郡河內北阻太行東西南皆以
黃河為固河內之東為魏郡魏郡治鄴則以太行為阻

以漳衛二河為輔魏郡北接鉅鹿鉅鹿之北高帝公立
常山郡西拒關門其東拒漳沱河也魏郡之東衛河下
流分北海置平原郡南盡濟北諸山西盡徒駭河平原
之西即清河也漳水之北僅一秦彊而南則逾河是南
多而北少也漳為險也北海者平原之東懷齊之北隅
也千乘者北海之西南齊郡之北阻澤水也北臨之東
琅邪之北為東萊表東海也逾平原千乘之北析滎陽
為渤海郡其北之安次與蓋昌則北阻澤水今永寧河
也平原之南為濟南故齊郡西竟也泰山北竟多山故
濟南之地西南駛而東北廣濟南之南平陰之東東盡
萊蕪南至涇尾皆泰山地也南海之西漁陽之南公置

潁郡東南據潁水西則阻關門也潁郡之西魯國
之南為東海東以沂水為限而以泗水為限也故南不
踰淮西不及沛泗雖之南江之北分九江為臨淮郡淮
之下流以淮水為限其西南則陰陵陽山也九江
之南分會稽為丹陽郡其西南以吳子鄣縣東以辰
澤其北則江也丹陽之西江之北分九江為廬江郡江
南分長江及會稽之為豫章郡廬江之險西北以潯東
南以江東北以巢湖據率之險東北以彭蠡西南以嶺
逾嶺而西為長沙高平公長沙之東南隔為桂陽郡
長沙之西北隔為武陵郡分長沙之南竟為零陵郡桂
陽以來水為險零陵以湘水衡山為險武陵以沅水為

險也武陵之北為秦之南郡高帝分南郡漢水之南為江夏郡南以湖西南以江北以淮西北以雲夢冥阮之北為汝南高帝分潁川之南南陽之東地也南阻淮北跨潁西則以颶水潁川之北淮陽之西又分河南之東為陳留郡北以河南以潁水西以潁蕩渠也潁江夏漢水而上為巴郡巴郡之北為漢中四塞之險也高帝分巴郡之西為廣漢郡北以東漢水上潁為陰東以劍門南諸山為陰西以中江北諸山為陰漢水東北即漢中武帝廣其疆也又分漢中之北為天水郡漢中之西為武都郡天水所以扼北地武都所以限隴蜀也北地之南天水之北為安定郡以涇水為平川為水陰以六槃

山為山陰也北地之東為上郡高帝又析上郡之東北
原之西為西河郡專以河為險也其東北踰頭門則定
襄郡也武帝懷別四夷復增河南匈奴西至玉門通
中置牂牁郡開滇池置益州郡開邛笮置越巂郡又于
中江之南岷江之北置犍為郡其南則昌桂林為鬱林
郡桂林之東為蒼梧郡北蔽五嶺東障三江蒼梧之東
為南海郡蒼梧之西為合浦郡昭帝又分隴西置金城
郡此皆中原世守不易之地也惟黔中則時通時塞若
大高力驥之樂浪元菟越南之交趾九真占城之口南
要荒之外略而弗述焉

新

漢之國凡二十惟趙本郡鄆燕本制楚襲舊名而不仍

其地楚則都彭城與沛郡臨淮相犄角也河北廣陽之
燕漁陽遼東遼西右北平之所制也趙中山廣平真定
常山魏郡鉅鹿之所庇也河間廣川平原清河之所基
也膠東膠西齊郡琅邪之所倚也城陽菑川北海千乘
之所固也濟陰濟東魯山陽泗水琅邪東海平原陳留
東郡之所畏也江都臨淮之所奉衛山廬江之所伺也
內以防外外以伺內先武春秋之所以興也

秦三十六郡各有監御史監諸郡漢省之但遣丞相
分刺諸州無常員先武建武十八年復置刺史十二人
各一州其一州屬司隸校尉王國亦屬之于是封建之
意失而郡縣之勢成後世分省之所由肇也先武選于

河南故以河南屬曰豫領河南京北馮制扶風阻農猶
重師也外薄于河而通于京師蓋以河東河內為藩屏
然東南一隅僅以伊洛為限而不及潁川陳留是失其
險矣初平黃中之亂優及潁川近且及于畿甸宋儒皇
甫嵩之功不亦偉哉由是而東為豫州領潁川梁陳沛
魯東盡泰山之麓西抵臨淮泗水南至淮西控京師四
戰之地也豫州之北領陳留東郡東平任城泰山濟北
山陽濟陰為兗州南抵陳留西拒河東北盡泰山山東
之襟喉也踰河而北領魏郡鉅鹿常山中山安平河間
清河趙郡海東北至于滹沱北至于長城西至于漳北
至于衛河北之要領也山東以兗州為為襟喉則自臨

之青州領濟南平原樂安北海東萊齊為突奧大視河
以東泰山之北衛河以南誠一大都也而青州之中又
以平原為喉背臨淄為心腹河北以冀州為要領則絕
塞之幽州領涿郡廣陽郡上谷漁陽右北平遼西遼
元菟樂浪為門戶矣長城以北大漠以南誠阨塞也而
幽州之中又以遼東遼西右北平上谷代郡為屏蔽漁
陽為度宇關門之險與幽州共者為并州領上黨太原
上郡西河雁門五原雲中定襄朔方西且渝河與隴西
北地共險阨矣南則至于太行然上黨至朔方之西北
至兗幾二千里猶之益州涪溪中興據為以南聲聞不相
及也極并州之西為涼州領隴西漢陽武都金城安定

北地武威張掖酒泉懷遠及諸屬國北所以北故民羌南
所以得已蜀也涼州以南為益州領唐漢漢中已郡蜀郡
犍為牂牁越嶲益州永昌益州及諸屬國東以交巫諸山
及延江水為限荆州之歸宿也益州之東領南郡江夏零
陵桂陽武嶺長沙南以五嶺北且至淮然與恒農巴郡夾
處漢水大漢水之險去不若漢初南郡江夏以漢分也荆
州之東為揚州東北傳于江西北傳于淮領九江丹楊廬
江會稽鄞郡豫章雖有彭蠡之險不若析彭蠡于荆州以
會稽而鄞及豫章之諸山為險也荆州之北為徐州領東海
琅邪彭城下邳屋陵其地為最疎南傳江北沿海西拒淮
東北傳泰山南大侯之也荆州之南為交州東盡合浦西

拆曰南直荒服也

晉平孫氏九州十有九司州本司隸雍州陷于曹魏領
廣州陷于吳梁秦甯平四州皆新郛也梁州于秦北三
年領漢中梓潼崖漢新都漢陵已巴西巴東八郡蓋德
蜀人守險而以房陵上庸為間道故專扼漢水稱之曹
魏析京北馮翊扶風安定北地新平為雍州立重鎮以
捍蜀也雍梁既分于東秦州不得不分于西領隴西南
安大水界陽武都陰平隴蜀之險在焉其涼州則止榆
中以北故張氏據河西楊氏亦守仇池秦涼不相攝也
甯州蓋之南部牂牁仍隸益州則是析牂牁以西犍為
以南全以大渡烏江為險平州之置因慕容廆畫析右

北平以東然郡治昌黎是晉之失策也

法家

惠帝分荆揚置江州北至于漢南傳于海是以西北為重也懷帝分荊州及廣州置湘州又析江州之桂陽而南且至于蒼梧東至于始興其治在長沙而西北重而東南輕也劉石雲擾南北遂分梁益又為李氏所有南之資土僅播江荆湘夏廣古州而已故江左常以荊州為重揚州江北諸備郡次之我魏以還豫州之境或南或北不足述也

東武崛起割平秦燕數致混一視東晉時為大青充梁皆復其故元嘉之世復于襄陽以雍州江陰江州江夏治郢州雍州多九江郡地其陳留以東皆割而有

也大抵北不踰碣石西不越武關西北不至隴坻而中原蕩蕩以西洛陽恒農諸所不得有焉是以鴻溝為限也明帝世淮北陷沒至于南齊曰蕞狹小北充州治淮陰青州治鬱州惠州治漣口其地相去不三百里耳豫州所領僅止三部志之邊荒至乃如此可勝言哉梁州雖存四十五郡無民戶所介益州以南之巴州交州以南之越州徒侈其民無取于險也宋齊以後西以河池下辨漢中為險中以鄠郿義陽為險淮西以壽陽鍾離為險淮東以廣陵秦州淮陰盱眙為險或止于堅或止于陳至隋氏而遂一

隋氏復立九州徐最狹小隄于淮泗河北與充之分以

河河東為兗河而為冀江南荆揚之分以嶺嶺東南為揚嶺西北為荆為郡一百九十州大而郡小行者之勢成矣

唐初分天下為十道在國之內者二隴坻以東為關內道隴坻以西為隴右道得隋雍州地依于河者三東極于海北至于河南至于淮曰河內道得隋豫章兗三州地惟孟縣跨河北城臨大河長橋架水古稱設險是也西河之東井陘之西曰河東道得隋澤州之西南地太行之東河以北極于海曰河北道得冀州之東北地附于山者東陳之東西漢之西南極于江北至于南山曰山南道開元中又分南山以東為山南東道漢水之西

劍門之南曰劍南道與山南同得隋梁州地附于江者
二江之北曰淮南道得隋徐州及揚州之北豫州之東
地江之南曰江南道得隋揚州地嶺之南曰嶺南道得
隋揚州荊州之南地開元初又分江南置黔中以西彭蠡
以南曰江南西道于是天下有十三道其間黔中置黔
中道于京師城內置京畿採訪使于東都城內置都畿
為十五道其實十三道也

開元初事北邊天寶以後安史亂遂成節度使之勢
這大減通凡節度使四十經略使五防禦使四觀察使
五惟河東朔方范陽嶺南為最大其十者止三城而已
先弼以之却思明克用以之殄梁寇河陽大同皆天下

之險也故唐之盛也遠至五管并統于嶺南道及其東也關內一逼乃有鳳翔隴州常原城在上為北在下為師上不能敵下下盡形勢自守以要天子師之錫命不上承五節是尚哉

宋之疆域狹元豐中分路至二十之離析之故頗有可取焉附于京者四在東者之以汴為界曰京東東路南盡于淮汴西至于泰山濟南介于中是以濟南為門戶也曰京東西路汴水以西汴水以東南至于應天是以應天為堂奧也在西者二據之南傳淮之西南傳于漢曰京南路淮之東為北經河至濟曰京西北路踰河而北為河北以河分東而三路河之東曰河北東路河

之而曰河北西路惟河東三面龍山故無所分屬河水
以東關門以西汾河以南曰陝西路陝之西也河中何
以不屬河東而屬之陝西與曰河中在河東則陝之河
曲無從河中在陝西河東有汾可扼也隴坻以南為秦
鳳路漢之武都陰平晉之秦州通隴蜀之陰平蓋于此
金人南犯吳玠吳玠屢擁金人于大散關非玠玠之武
也勢使然而用之得其道也在江之南為兩浙路南渡
分臨安平江嘉興鎮江安亭常熟嚴江陰為西路紹興處
元瑞安縣台衢處為東路是以浙江合也淮之南亦分
三路淮泗合流之東盡于江海為淮南東路淮之西北
南至江為淮南西路皆以淮水分也江之南亦有東

西路震澤之西彭蠡以東為東路彭蠡以西為西路荆
州舊分湘州宋則曰荆湘以沅水而分南北漢水之東
沅江之北曰荆湖北路故地至于靖州沅江之南曰荆
湖南路故地不起于岳而起于潭浙東江西之南曰福
建路宋關于李沅猶唐黔中四川峽則分四路曰成都
路秦之蜀唐之劍南也曰漢川府路漢之唐漢魏為
唐之劍南東川也曰利州路漢之漢中及恒而西南地
唐之山南東道也曰夔州路漢之已即唐之山南西道
也其實即唐之四道也嶺之南亦分之路蒼梧以北為
廣南東路蒼梧以南為廣南西路其實一路也燕雲十
六州宜和妙入為燕山路旣設于金宋之際至于河北

而水

元并天下遂有行省之名今部院所由起也中書省領
之直隸山東山西及河南布政司河北地也行中書省
凡十有一口嶺北和林之地今之喀爾喀也口遼陽明
達東布政司今奉天尹也口河南口陝西口四川口甘
肅口雲南明及今仍之也口江浙明分震澤以北口江
南為南直隸布政司分福建宣慰司為福建布政司口
江西明分廣東宣慰司為廣東布政司口湖廣明分廣
西兩江宣慰司為廣西布政司口征東明遼東東南地
也惟貴州為明所開設天下之勢不以山為固則以川
為險元之江南隸于江浙北隸于河南彰衛懷隸于

中書省河與江之險未失也明人起于東南重內輕外并河淮之漕于江南于是江南之地大而河南之地狹析河北三府而河之險失析襄陽歸于湖廣而漢之險失古人設險之義泯不可得而知也悲夫

設險下之上第十

有無定之險有一定之險何無定古人因山川以造城郭也此因城郭以定山川也周文公因漚澗以作東都齊桓公因河水以城五鹿至周之衰穀路門設王官東漢之世河南徙而五鹿失其險晉悼公城虎牢以服鄭陽漢之限自楚漢至于南北朝皆成險要然白唐中葉以後河北之難發險在于河陽三城而古固渡木石溝

之險古未聞也宋都大梁與燕山互交皆以南北而不
以東西元都幽州鴻溝易為魯河而虎牢之險張矣
此無常者也有定者禹貢山川之分一行山河西戒之
說之言形勢家川流易改而山不移然川之移河為最
甚其次汝潁以南諸水若江淮潯潏自古及今迄未之
改也昆侖之山河水出東北既一由西者北達河州一
流流入于閼河循天山南至西甯循河州與河流合自
此以下至于東海皆以河為險焉河之上流河套龍門
為大險河套利于振龍門利于守河之下流或南或北
南則以清口為漚北則以梁小梁為漚又北則以九河
為漚清口軍之所聚梁小梁軍之所藏也濟三伏流河

小而為險險在于定陶祝柯定陶截黃之上流猶古
河流夾淇以多馬黎陽為險也祝柯近山而水直上其
流迅急秦晉之河曲也濟之北為衛衛水之要有三焉
其一為楚望衛之所出也其一為臨清衛之所轉也其
一為丁沽衛之所入也而臨清東北之德州亦為燕趙
之衝與景州峙為山東之險以臨清為首而德州次之
河北之險以景州為首而丁沽次之古人所謂車班班
入河間然景德二州無險可扼而不得謂一定以其近
于陸也河淮之間為泗由沂州以屬于清口而彭城為
會然形如釜底不可用也故楚以為都而不能久劉宋
以為重鎮而不能守地使然也然則淮泗之間以何為

險泗水上流與彭城對峙之夏鎮非沛縣也泗水下流
色澤玉城諸山泗水文會之臺在丰嶧與下邳也泗之
布為沮其險在于泗州之洪澤其次則壽春之芍陂鳳
陽之臨淮也惟江潤而巨故隨處皆險然險中之險亦
有數焉松陵而南至于匯口李冰鑿石以避險一也由
淮縣分界江越成都東北至成都東南為雙流縣二也
由雙流至嘉定合若水三也由嘉定至叙州合馬湖合
沙二水四也由叙州東北至于重慶合巴江五也出峽
六也由歸州而東至武昌與漢水洞庭合七也故宋夏
之世江夏太守為鄂州治稱重鎮焉由江夏而東至海
陽江合彭蠡八也故周瑜統吳全軍而屯于柴桑柴桑

者九江也。潯陽之東江迤北而至皖城之池河口。北極桐
城為樞陽江八百丈九也。樞陽之東為皖城。人所設險。
自朱光以後皆然也。樞陽東迤北至于和州之西梁山。
至元譔築城以禦魏師。其東岸為東梁山十也。江自梁
山南北行至金陵城西北隅江始東行。其西北岸為浦
子城中。有洲再繞而行。子一也。浦口之東至于京口。南
北運河之所通。金焦之所峙。子二也。京之東迤東至江
陰江東而東流。迤肆子四也。江陰南之團山。同為江陰。
以東至于通州。隔岸不相望。而狼山福山中流視若壁
然十四也。而東之劉河。亦次之江之出流。為震澤。震
澤以通吳越也。震澤之南自欽傳子海為錢唐江以限。

浙東西也江之上流為金沙江金沙江之西為閬滄江
怒江金沙江之南為盤江怒江所以限夷面也盤江之
曲在于大理洱海之曲地稱天府馬金沙之險在于會理
瀘沽所合迤北而其流始盛金沙之東有牂牁江自威
甯而東迤北會江于涪其險在于遵義溪流森然林木
菁密明播州也延江南流入于廣西合雲南之盤江而
為左右二江其險在于潯州由潯州而東至梧州入廣
東至廣州三江口以入于海即古之溫水故廣州為南
服一險要也而肇慶之陽江韶州之曲江惠州之東江
吹馬江之上流為漢河漢以漢中為險鄧陽及樊城漢
口次馬河以陽平為險閬中及合州次馬漢之北為渭

渭之北為涇涇以邠為陰渭以吳秦及朝邑為陰大河
以南伊洛汝潁今昔不同伊洛交會之汜水汝潁交會
之潁上險不易焉其在于海則守在田夷也陸地則西
以天山北以火漢故天山有南北西路蒙古有內外之
別天山蒙古之南為長城至門嘉峪蕭關偏頭窰武原
門紫荆居庸山海之險古今一也長城之南而西為隴坻
武中寶雞武都陰平可用也又東為靖遠岷谷武關潼
華可扼也靖遠之東藍耳以塞三川大隄直隸冥阮以
制荆豫也又東南至于滎遠北至清遠渠明而止天所以限
江淮也清流關北至于盱眙湖口天所以分淮東而也
隴坻之南為劍門已蜀所恃也隴之南為三天子都南

以翼洪州東以扼甌越也長城之東南爲太行傳海而
止空國丹陰軍都而據也而曲陽之恒附焉太行之南
爲太山自濟以絕沂所以分青兗也江湖之南爲衡山
爲五嶺所以閼而粵而殊內外也王者因勢而合之伯
者因勢而裁之衆人昧勢而失之險之所以言設也

設險下之下第十一

知常久之險而不知一時之險非明也夫一時之險非
幸逸也太上能固之其次能慮之其次能防之其次不
及防不及防險雖設而不能用人也夫一國之險
慮者慮我之險有防有不防也防者用人之攻而防之
至于不及防則有險如無險夫故太行孟門不爲固創

閭閻利不為峻長江天塹不為限是故善為國者必周
知乎地而察其理據山水者皆山水而未則險失其山
水者先得山水之險則險失其山水之險而一處山之
背水之上一在山之尾水之下則山之背水之上其險
得山之尾水之下其險失不特此也同此山水有據者
有失者有伏者有避者知山川之險而不知險中之忌
山林險阻阻澤難行之地地言形勢者之大忌也前後
峻而中有水曰絕澗四面峻而澗下為天井三面環而
難出曰天牢草木密而鋒鏑莫施曰大羅卑下而車騎
莫通曰天陷此三者地之忌也善用者因其忌而得其
利是故絕澗天牢可以用之也天井可以匿之也大羅

天陷天墜可以伏之也不特此也因入之險而使各守
其險封建與郡國同也各守其險則各無險各無險則
交可以合歟夫有險而交不合險不足用也合交矣不
不足以制諸侯交雖合而不固也足以制諸侯矣而無
仁義以懷之雖固而終不攜也故曰我可以往彼可以
來為交地諸侯之地王虜先至而得天下之衆為衡地
交地則無絕衡地則合交嗚呼此王道之窮也

周易繫辭卷五

乘墉上第十二

坤通乾而言伏我乘墉何也陰始欲以衆干陽陽不能
不拒陰四為外卦與二同坤土為城故二為伏我而
四為乘墉五何以言號兆乎方之之欲干五五失其應
而應為寇故號兆乾通坤五之二成師師來遇同人而
自獲靖也天生五材民並用之去一不可何能去兵兵
者聖人不可一日忘也故有大師之遇始無乘墉之危
有弗克攻之墉始獲大師之遇故同人九曰白匪其
有弗克攻吉其曰弗克攻未可必之辭也有墉必有乘
有乘必有攻明乎攻始明乎乘墉者城也明乎乘奈何

曰城之曰竟曰城之外曰城之池曰城之巷戰